



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Quid sit dormire in scripturis

urn:nbn:de:hbz:466:1-35433

peries in uerbo dei. Consequitur ergo Abrahæ finum non dormitorium esse, sed uitam iam æternam. Quod ex cap. 16. Lucæ comprobabimus. Nam illic scribitur Lazarum frui solatio, quum interim diues apud inferos cruciatur. Quod si anima (ut uos perhibetis) dormiret, nullum haberet gaudium, nisi per insomina uanis quibusdam gaudijs frueretur. Si gaudet anima, impossibile est quod dormiat. Sic Matth. s. satis clare habetur, multos esse uenturos qui sint accubituri in regno dei cum Abraham Isaac & Iacob: ut interim taceam somnum naturæ animæ (quæ ἐντελέχεια siue ἐνδελέχια est) omnino aduersari. SIMON.

Clariora sunt hæc & firmiora quam putaram.

IOIADA. Imprudentis est dicere: Non putaram, & audita altera parte tantum pronunciare sententiam. Adornant sua satis pulchre catabaptistæ, sed parum firma sunt. SIMON. Vellem audire in qua significatione scriptura uteretur uerbo dormiendo, quod tam frequenter ubiq; occurrit. IOIADA. Dormire ueteribus mori est, sed propter corporis resurrectionem dormire dicuntur qui diem obseruent extremum. Quemadmodum enim is qui se ad tempus sonno dat se non dubitans experrecturum: sic corpus dormit, hoc est, moritur et cubat in sepulchro conditum et seruatum ad diem resurrectionis. Sic dormierunt patres, sic Stephanus & omnes p̄ij. Qyan-

doquidem ergo dormire mori est, et animæ mori non possunt, dormire haudquam possunt. Nam Stephanus dixit: Domine, suscipe spiritum meum: hoc dicto obdormiens, commendata anima patri, moritur corpus. In hoc ergo falluntur illi, quod animæ tribuum quæ corporis sunt. Interim toti homini attribuitur, propter unionem animæ & corporis in una eademq; persona. Quod exemplum supra de Christo quoq; ad ductū est. Dicitur enim Christus mortuus esse, quam tantum corpus in Christo mortuum sit, non diuinitas, non anima. Sic obdormit homo, sed corpore non anima. Hanc syne^ldocham(ut cæteros tropos) non intelligunt(aut non intelligere uolunt) catabaptistæ, & hac de causa in multis errant. Sed ignorantia reddi eos audaciores, ut doceant quidquid uel somno cōcipiunt. SIMON. Adhuc tamen ratum est quod Paulus sibi coronam iustitiae tunc tandem reperi ait, quū uenerit dominus. Rata item sunt quæ sum apud Ioannem & Paulum ad Philip. IOIADA.

Hoc obseruandum Simon, diem domini in scripturis non semper pro ultimo illo die capi, sed aliquando
 Ioan.8. pro ueritate & luce, ut in euangelio Ioannis. Ali quando pro uisitatione domini, ut saepe in prophetis
 & 1. Cor. 3. Ali quando pro cuiusq; fine aut morte, ill
 Ioannis 6. Resuscitabo eum in nouissimo die, hoc est, seruabo eum in uita æterna in nouissimo die, id est,
 dum